

巳卯昏刻大星青白光流雲中

癸未夜大星青白光自畢宿流參宿

甲申增騰驤右衛指揮同知一

大名元城內黃南樂長垣魏滑邯鄲雞澤肥鄉成安永寧靈

璧山陽安東汶上濮州維縣壽光長山輝縣汲縣獲嘉新鄉

昨城湯陰安陽臨漳修武濟源河內溫孟滎陽河陰蘭津沁

水延津滎澤各大蝗覆地尺遣御史給事中錦衣衛官分捕

乙酉蠲直隸通州宛平遵化大城文安保定香河清苑高陽

新安新城雄縣完縣任邱清河等縣去年水災田租

夜大星赤光自虛宿流雲中

辛卯捕蝗于歷城長清齊河濟東禹城肥城平原鄒平商河

文登沐陽鹽城河津

夜大星赤光流雲中

庚子罕東念劉族番札兒加等伏劫使之罪宥之

壬寅行在翰林編脩習嘉言為脩撰

復鄒良福建邵武知縣孫珏江西鉛山知縣祿從六品俱秩


滿邑人乞留

雷南布政司左叅政楊應春以兄負改南京太僕寺卿

國權

宣德九年

十



行在山西道監察御史梁軫巡按江西坐妄劾王府違禮謫
元謀典史

癸卯夜大星青白光自紫微東藩流至濁

是月脫敵復襲阿魯台及失控干部屬潰散殺

八月己酉寧國大長公主薨年七十一

丁巳行在太常寺卿兼翰林學士楊溥為行在禮部尚書仍

兼學士

起復行在刑部右侍郎白勉至改南京

戊午工部請發河間真定保定壯丁協築渾河口東狼口決

岸從之都督鄭銘董其役

己未捕蝗高郵州

行在右僉都御史凌宴如卒宴如浙江歸安人善書授吏科

給事中宣德二年僉院雖和易在憲府依隨唯、清議無取

馬子祭羹

壬戌蠲遼東大寧屯租


甲子免兩京山東馬課

勅巡撫侍郎吳政周忱于謙趙新曹弘及湖廣河南江西三
司中都留守司遼東都司兩京郡縣各巡按御史以災傷數

國權

宣德九年

土



上免今年秋糧屯糧十之四
乙丑遣行在刑部左侍郎魏源勅諭永豐等縣亂民宥其罪
又遣指揮任禮率兵繼之
止湖廣河南江西兩京工部派辦物料召催辦官回京即餘
郡縣非災地亦從緩輸毋迫
丙寅曉刺月犯井鉞星
丁卯昏刺大星赤斗光自斗宿入房夜大星青白光自五車
流至濁
戊辰選四夷館譯書三十人隸翰林院

脩桑乾河橋


上聞阿魯台為瓦剌所殺部屬離散命來降者官之
已已瓦剌順寧王脫歡入貢告殺阿魯台請獻前元玉璽勅
曰比北下降者皆言阿魯台已為瓦剌所殺部屬各散有渡
河依邊者朕憫其失所亦慮困窮或鼠竊其令總兵官嚴邊
堠善待其歸附者朝廷且處之善地與官職俸賜王克紹爾
先王之志來朝進貢具見勤誠玉璽亦悉王意然觀前代傳
世之久歷年之多皆不繫此王可自留

左軍都督僉事婁兒里卒

兒里先世直隸永平人洪武中歸附授燕山中護衛鎮撫從靖難功

國權 宣德九年

十三



入山西大同榆林庄陽和口
癸酉命行在翰林修撰馬愉陳詢林震曹萬編脩林文龔錡
鍾復趙恢大理寺左評事張益同庶吉士薩琦等何瑄鄭建
江淵李紹姜洪徐瑄林補賴世隆潘洪尹昌黃瓚方熙許南
傑吳節葉錫王玉劉寶虞英趙智陳金玉振遠端黃回祖傳
綱蕭鏞陳惠陳睿于文淵閣進業俱上試之左順門第其
等賜賚有差

甲戌夜大星赤光燭地自北河流文昌

九月乙亥朔蠲江都安陸等五縣今年災租

戊寅蘇州常州松江鎮江旱命寬恤


庚辰長將巡邊命少師蹇義少傅楊士奇楊榮禮部尚書吳中
等扈從


壬午少保戶部尚書兼武英殿大學士黃淮陞辭賜御製詩
及鈔二千貫

癸未上發京師宿唐家嶺

甲申次龍虎臺

國權 宣德九年





乙酉度居庸關宿岔道

丙戌獵

丁亥獵

戊子次懷來縣夜召楊士奇惺中問所見曰居民比五年過時增多矣 上曰然士奇曰臣問塗人今年大稔 上喜示

御製詩四首

己丑次雷家站

庚寅次宣府之泥河

辛卯次萬全

夜月犯昴宿

壬辰代王桂請朝書止之

癸巳 朵兒只伯等竊寇涼州殺掠

甲午後軍左都督譚清卒清順天大興人從靖難功

乙未阿魯台子阿卜只俺來歸

丙申次安堡家

丁酉次洗馬嶺

邊將克用命也

戊戌江西按察使童寅卒寅字以敬隨州人永樂甲申進士

國權

宣德九年

十四

授御史歷按南京雲南遼東皆著平采進交趾按察使改江
西廉介勤敏疾不廢事而明恕故吏民哀慕之家無餘貲婦
孺困悴
夜大星赤光自柳宿流雲中
已矣獵諸將請因獵掩
上曰彼不為患且朕已遣諭非
信也夜問楊榮曰諸將計胡何如榮對曰聞駕出必先遁
雖出兵何利彼失戒心
上曰何也曰陛下屢勅詔之獵
今感恩而來遽擊之則前勅為誘矣
上善之賜酒饌
夕大星青白光自雲中流至濁


庚子 上回沙溝

辛丑次泥河

壬寅次雷家站

癸卯次懷來縣

是月霍州學正曹端卒端字正夫滄池人篤尚理學專靜研
究座下著足處兩軌皆穿事父母孝肫志愉色父信佛端作
夜行燭書略曰佛氏以空為性非天命之性人受之中也老
子以虛為道非率性之道人由之路也其辨析甚精父卒向
于學永樂戊子舉于鄉己丑授霍州學正殆十年夏去廬墓




六年壬寅服闋改蒲州甲辰考績吏部蒲霍諸生各疏留之
太宗以霍居先竟予霍人親之如父母及卒巷哭留葬焉
子曰瑜曰琛亦廬墓先後死塋墓旁正統中僉事張敬祠于
澠池丁巳編脩黃捐貲返其葬端四著四書詳說太極圖
通書西銘釋義經述解性理文集儒家宗統譜家規輯存疑
錄及夜行燭諸書彭澤曰我朝一代文明之盛經濟之學莫
盛于劉誠意宋學士道學之傳斷自澠池始致書河南巡撫
請上章從祀文廟

崔詵日月川曹端之敦篤介庵李錦之清固學皆守朱氏

識或未逮沿襲之迹也荒陋之中卓然自興今士習改民
偽滋安得斯人矯之哉

何喬遠曰仲尼一生好學人而當其身魯國之人也已謂
之聖人今欲為聖人而不由學可乎朱氏生于有宋諸儒
之後直欲上接乎洙泗之傳推明大學格物致知之旨明
興高皇帝立教著政因文見道使天下之士一尊朱氏
為功令自餘姚王氏出始卓然自振其始為知行合一之
論其終又為致良知之說至今天下翕然歸之竊者其緒
者多別摘一言一行以為顯門其意皆欲返躬而歸諸實




而其弊也不免于高虛夫儒未有不學者也有明諸儒二
百年來從祀孔廟者薛河東陳新會胡餘干王餘姚四子
其他篤行尚俟更僕就論四子之學則河東餘干恂乎
聖人之教而新會以靜餘姚以頌論者皆疑其入于陸氏
之禪予觀新會少年盡讀天下之書晚節俛仰天地萬物
嗒然而悟而後教人以靜餘姚故馳騁經史文學字最後
得良知之說則皆未嘗不以學入者夫奈何以之宅入門
不以設教也吾師乎吾師乎

馮時可曰嗟乎近世學者紛々為標識為門戶何多岐哉

尚二氏則虛寂其萬而并虛寂其一鶩百家則綢繆其萬
而遂忽闇其一若蹈冥海而罔測東西處榆枋而不知廣
大弊也如先生蹠玄圃蹈實域真學者之指南哉淳久矣
況一博士十餘年而不徙官甚矣世之輕儒也

林之盛日月川先生勵志甚嚴其窮理篤學庶几得聖人
之績使之斷然以聖為可學真自先生啟之彭濟物之言
不謬也嘗考國朝諸先生之學敬軒嚴敬齋純陽明夸白
沙高吳聘君毅陳布衣胡太僕正雖立教有殊其反身實
踐則一故信今傳後設科待來有以也且夫學以自學非



有可講以示人獨文成講學之會特盛然文成得龍溪泰
州講之而益光亦自龍溪泰州講之而啟弊决裂至顏山
農李贄一派大壞極矣安得真實若河東澠池六七先生
之身教俾正學為有託不然其講是也其人非也亦何取
于能言哉

張鶴曰孟氏稱有諸已之謂信曹先生其信人也夫醇粹
平實亦既有之矣觀其所著述如月川書圖夜行燭諸篇
如穀之必飽豈第以渺論立門戶者哉淳沉博士十年不
徙官豈效實之效耶易言不成乎名不見是而無悶若先
生者更亡得而稱焉其亦几于潛有龍德矣

十月甲辰朔駕次龍虎臺

夜大星青白光自游氣流至濁聲如雷

乙巳次唐家嶺

丙午還京

江西永豐賊夏九旭等就擒餘受撫召任禮等回京

安徽潛山知縣俞益卒益浙江餘杭人進士預脩永樂大典


授靖安知縣民甚德之憂去起補潛山持已愛民始終一節

公餘之暇授諸生春秋卒時室如懸磬吏民哀之助其殯

國權

宣德九年

六




丁未上 五十餘騎入山西長城東溝官軍擊斬十餘級
已酉免江南溧水六合江寧上元句容當塗災租且賑之
武昌荊州長沙岳州德安漢陽衡水杭州衢州金華紹興各
旱命行在戶部分遣官往寬恤
賑鳳陽淮安揚州廬州徐滁和濟南東昌兗州獻縣旱飢
夜大星青白光自北河入軍市
辛亥免江西奉新豐城清江旱災田租
昏刻大星清白光自天市東垣流至濁夜大星赤光自王良
流至濁

壬子夜大星赤光自弧矢流至濁昧彗大星青白光自軫宿
流至濁

癸丑夜大星青白光自天苑流至濁

甲寅命黎利子麟仍權署安南王序初麟遣門下右司侍郎
阮富右刑院郎中范時中上表請命遣禮部右侍郎章啟行
人侯璉隨往又行人郭濟朱弼祭利麟一名龍改紹平元年
偽謚利太祖高皇帝
廣州府吏董琬以撫猺二百十五戶附籍授懷集典史俾專
招撫



行在都察院右都御史熊檠卒檠字元節豐城人永樂辛卯
進士授御史進廣西按察使改廣東仁宗拜大理寺卿治
水吳中兼巡民瘼宣德初賑飢鋤豪召進南京右都御史內
召或誣其受金不聽年五十予祭葬檠初姓胡官大理後改
熊姓既大用改素節狗子弟之欲昧是非虧廉行君子惜之
乙卯盜入江西奉新縣
曉刻大星青白光自文昌流至濁
丙辰行在大理寺左少卿張駿改行在左僉都御史
四川總兵官都督僉事方政等討松潘蠻初政以精卒五千


擊其西北副總兵都督僉事蔣貴以四千人破仁昌大寨都
指揮趙得宮聚等各進兵先後斬一千七百餘級墜溺無算
進政貴左軍都督同知勅勞之餘陞賞有差
江南松江旱災巡撫周忱以棉布一萬五千九百二十五疋
折文武官月俸從之

丁巳草雲南車里靖安宣慰司復車里軍民宣慰司

壬戌勅責甘肅總兵官都督僉事劉廣縱入寇之罪時

寇涼州廣追擊之不及還

夜大星青白光自北斗杓流至濁



癸亥遣視西安延安旱災命寬恤之

甲子罷陝西買馬從右布政使王敏之言

乙丑 上聞代王桂襲服行游市中捶擊人書戒之

召四川總兵官都督同知方政還命副總兵左軍都督同知

蔣貴為平蠻將軍總兵官仍鎮守四川松潘

土魯番舍人卜烟川兒等來歸授正千戶

行在翰林學士沈度卒度字民則江南華亭人善書授翰林

院典籍累進侍講士學宣德初進學士孝友真靜不苟附合

雖故舊未嘗輕造士論高之年七十予祭葬

寧夏總兵官都督僉事史昭追至濶台察罕擒男女四千人械入京

丁卯免浙江湖廣江西兩京逃民復業徭賦一年

南京國子司業陳敬宗為祭酒北京國子助教劉瑒加行在

翰林院檢討金鄉教諭趙琬為行在翰林院待詔

復朱景賢湖南長沙府通判祿正五品

許江南絕戶所遺田亡論古額近額並視民田起科從周忱


之言

辛未夜大星赤光自文昌流至濁

國權

宣德九年

主



壬申勅緣邊總兵鎮守臣曰今西北胡、敗者回散勝者驕
縱當嚴兵保境若、境外往來不侵擾聽之勿妄動開衅來
則戰去則追之

十一月丙子阿魯台部屬把答等來歸授正千戶

戊寅裁、賀縣、丞主簿、

已近、邠臣曰遼東外屬夷以幼子來易米恐為他日患宜禁

上曰此飢耳命總兵官巫凱等給其直送幼子京師

曉刻熒惑犯氏宿

壬午肅州衛指揮同知胡祺等巡邊至窰兒站斬、六級

乙酉夜大星赤光自參南流至濁

丙戌夜大星赤光自昴流至濁

庚寅歸朝鮮流人于揚州者七十八人并諭國王備黑龍江

七姓野人時議侵朝鮮也

免浙江永嘉平陽魚課

辛卯行在戶部言北京養象馬牛羊等處倉場收科之奸弊

命通政使李暹等往來督察仍戒監收御史等官


許江西吉安官廩貸飢民

辛未昏刻太白犯壘壁陣

國權

宣德九年

三



癸未 上憫寒罷緣河軍民運木俟來春就役
乙未 臨江吉安瑞州袁州撫州贛州南昌南康平陽蒲州各
早遣視寬恤
戊戌 錄囚一百六十四人俱伏罪宜論命繫之
已亥 翰林官講周書畢 上因論周事曰周家積德數十世
而後興其本已深成王守成周召輔之皆天也豈偶然哉
昏刻填星犯太白
庚子 併裁貴州新化府入于黎平新化湖耳亮寨歐陽中林
驗洞龍里赤溪楠峒七蠻夷長官司皆隸黎平府

免安徽泗州田租

前戶部尚書兼謹身殿大學士陳山卒山字伯高沙縣人貢
士教諭奉化預脩大典自教官薦授吏科給事中侍 上講
讀進左庶子及即位進戶部左侍郎直閣少學亟利昧于大
體漢庶人反請執趙王見薄歸不加禮年七十
曉刻大星青白光自庫樓流雲中


辛丑 召福建 寧知府張順署南京工部侍郎事

壬寅 監察御史頡文林檢南京贓罰索賂又私及囚婦成 庫
遠東

國權

宣德九年

三



癸卯行在禮部言宣府總兵官譚廣立彌陀寺朝玄觀欲度
幼軍為僧道上不許

十二月甲辰監生李員為永寧宣撫司訓導源本司人

丙午有僧自陳欲募化祝聖壽斥之語侍臣曰商中宗高宗
周文王皆享祚綿遠其時豈有僧道自秦始皇漢武帝求神
仙武梁帝事佛宋徽宗事道其效可見何世之未悟也

戊申命雲南罪囚如在京例納贖

己酉嚴內官內使侵盜官物之禁

貸浙江樂清遂安桐廬及江西彭澤縣飢民官廩

曉刺熒惑犯鈎鈴星

庚戌內使馬林出郊調鷹杖殺平民立誅之

甲寅免 阜平平谷等田租

乙卯夜大星青白光燭地自天困流天苑


己未甘肅總兵官都督僉事劉廣言朵兒只伯以三千人屯

也可免林察兒丹之地去涼州十餘里絕糧欲歸且乞還其

錫卜魯罕虎里 上諭行在兵部尚書王驥曰朵兒只伯必

不來宜加意邊備

庚申泰州儀真寶應道州永明桂陽臨武藍山衡山鄆縣雲



夢淑浦涪州各飢疫上諭禮部尚書胡濙等曰水旱飢疫
四方薦告天災頻仍民何以堪朕深憂懼卿等勉圖匡濟有
可回天拯民者其悉以聞
辛酉天驥請招撫朵兒只伯若來歸亦省邊患從之
壬戌行在吏科給事中儀銘為行在翰林院脩撰進士李素
宋傑等為行在吏科給事中陳詔李彬李瓘等為行在監察
御史
上退朝御文華殿召楊士奇等示御書洪範篇及序因曰朕
在宮雖寒暑不輟覽各對曰願陛下此心終之上笑曰

卿等亦常須直言

癸亥巡撫江西侍郎趙新言湖口德化彭澤歲久蘆葦奉詔
宣德六年前皆免今工部以歲辦不在免之例且乞停鹽鈔
上謂工部尚書吳中等曰詔布大信乃欲背之耶悉免之既
民飢停鹽鈔

欽州奏貼浪如昔二郡接交陟萬寧縣臨入今招之不從命
檄廣西三司討之


甲子上不豫


太白晝見

國權

宣德九年

三五





乙丑廣西都指揮僉事田真勦潯州大藤等寇斬九十四級

戊辰夜大星赤光燭地自亢宿入翼

庚午昏刺大星青白光自軒轅流至濁

壬申浙江都指揮僉事余斌卒斌合肥人弱冠任處州衛指

揮使好學宣德五年調定海衛立義學自課之作公廉勤謹

四銘六年仍調處州衛捕盜七年至今年三十二人惜之官

國權

鹽官設遷孺木著

宣德十年乙卯

正月祭國朔 上不豫免朝命百官朝 皇太子於文華殿

甲戌停兩京工部一切採辦市買并營造物料放軍匠回召

還使者

罷遼東採捕造舟運糧

昏刺太白犯外屏星

乙亥勅群臣曰朕疾不起天也命 皇太子嗣位爾文武大


國權 宣德十年

一

臣盡心輔導家國重務必稟 皇太后皇后行之
上崩年三十一遺詔曰朕以菲薄獲嗣大位十一年矣德澤
未洽於天下心恒愧之比者遘疾彌留夫死生常理唯不能
光 列聖之德業終奉 聖母雖沒弗寧 皇太子嗣位廷
臣協佐務安養軍民為本母作聰明以亂舊章喪禮日易月
悉如 皇考洪熙元年五月遺詔無改山陵掌軍兵及守土
吏毋自臨闕
戊寅殯


李維楨曰 章帝之治文武相配大略舉焉今製繡范金

埏埴之屬必以宣德為貴班氏稱宣帝吏稱其職民安其
業至于技巧工匠器械鮮能及之 帝之謂矣于時海內
方枕藉宋儒糟粕帷幄大臣所建明不能超乘而上惜哉
何喬遠曰 高皇帝承胡元縱弛之弊宏振威武以儆天
下 成祖以英達之資續緒大服海內竦然振厲者五十
餘年 昭皇帝至德深仁不久于位 章帝繼之乃涵濡
以醇懿陶埴以德義聞四方有水旱蝗虫之災憂形于色
遣官賑救如恐不及隆寒盛暑先下法司蘇洗冤獄奏上
刑名垂神省察並從輕典優禮老成勲舊具有始終寤寐




思賢內自廷臣外及方岳郡守咨簡詳擇不以輕畀褒獎
賢良使久于官是以在任之人奇才異能皆極一時之選
至有文學胥吏哀然濯被致位名卿十年之內吏稱民安
比于文景下及民間木植器用莫不精堅殊倫亦可以見
一時無些窳偷惰之風矣至夫郊廟之禮必躬必親奉事
太后祇敬夙夜宮中欲用一木架土匠飾繪金綵輒命易
之嘗命侍臣游東苑手指草舍一區曰此朕致齋之所雖
不敢上比茅茨庶几不忘儉德未嘗一日去書下筆逢蠅涌
皆傳脩齊治平之道翰墨圖書隨意所在盡極精妙歲秋
冬巡邊閱武親橐鞬騎射威震乎殊俗休矣哉文武恭儉
之主也

設選曰國初嚴御每重囚歲械入京輒千百簿尉巡徼之
任輒煩聖慮蓋詳極矣 宣宗幼侍 文皇帝出入塞垣
深諳民事及即位遽有樂安之駕非素才武疇克滅此而
朝食也者然兵不輕試憊以生靈為念水旱朝奏賑貸
午暨親閱囚牘多所釋遣好文學之士一才一技皆被甄
錄蓋睿質天縱文翰並美而不矜其能嘗有自下之色國
家之治寬嚴有制煩簡有則 帝實始之而于廢 胡后





國家圖書館, NATIONAL CENTRAL LIBRARY, TAIWAN, R.O.C.





TIFFEN Color Control Patches


© The Tiffen Company, 2007

Inches 1 2 3 4 5 6 7 8
Centimetres 1 2 3 4 5 6 7 8


Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]



國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.




Inches 1 2 3 4 5 6 7 8
Centimetres 1 2 3 4 5 6 7 8

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]

TIFFEN Color Control Patches © The Tiffen Company, 2007




國家圖書館, NATIONAL CENTRAL LIBRARY, TAIWAN, R.O.C.



51. 8656154




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





英宗法天立道仁明誠敬昭文憲武至德廣孝睿皇帝諱祁鎮
宣宗皇帝嫡長子也宣德二年丁未十一月乙未生 母后


孫氏生時日下五色雲見光灼殿陞明年立為皇太子天質
秀傑顧盼有威

宣宗正月乙亥賓天皇太子年九歲 皇太后取金符入內
或謂應立襄王 太后聞之乃立至乾清宮並携皇太子召
閣臣泣曰此正命新天子也閣臣伏謁呼萬歲群臣隨之淳
議乃息

壬午 上即皇帝位詔曰仰唯 祖宗肇造之功守成之道
規模宏遠光昭萬世我 皇考以至仁大德統承之率循憲
章恢弘政化方期永底雍熙不幸奄荼遐棄肆予眇躬祇承

國權 宣德十年

四



遺命于宣德十年^{正月}即皇帝位付畀攸重兢惕惟深允惟
神天之典惟敬斯承生民之衆惟仁斯保阜城之績惟儉乃
克有成顧予涼薄勉衆永圖內賴親王宗室益脩藩屏中外
文武群臣宣力效忱以副委任以惠蒼生用臻富庶躋于泰
和其以明年為正統元年與天下更新一應寬恤事宜條示
于後云嗚呼自古生民獲福咸由君臣同心同德圖厥成
功亦罔不在初尚協嘉猷以隆邦本用茲詔告天下咸使聞
知

勅沿邊宣府總兵官都督譚廣等督令所屬部卒隨時操練

嚴備

癸未作大行皇帝陵勅太監沐敬豐城侯李賢工部尚書吳

中侍郎蔡信督工役軍匠十萬人

守制監察御史宋原端豪奪田塋好賄囑不法事聞逮至京

論削籍

乙酉衛王瞻埏攝南郊

錦衣衛奉詔奏李景隆家屬十四人成山侯王通等家屬二


百九十五人擅棄交趾侯伯都督三司等官命仍圖之故交

趾按察僉事郭瑀瘦死詔優其尸

國權

宣德十年

五



丙戌朝鮮國王李禔貢賀


丁亥駙馬都尉李銘卒

少師兼吏部尚書蹇義卒義字宜之四川巴縣人初名瑤幼孤鞠外舅李氏蒙其姓洪武乙丑進士出身授中書舍人因改姓蹇 上曰豈蹇叔之後耶御書義名賜之義篤實滿九載數在左右預機密文字建文初拜吏部右侍郎 太宗皇帝轉左數月進尚書時惡建文改舊制一切及之義從容言損益隨時舉數事陳其顛末 太宗皇帝悉從之尋兼太子詹事輔東宮監國兼署禮部尚書父喪歸奪情嘗巡撫江南

仁宗初兼少保歷少師叅大政 宣宗甚優之輟部事論道如古三公歷事六朝通籍五十年諳于典故練達政體雖在填委分處豁如顧沉厚遇事少斷世疑其無所建明云年七十有三贈特進光祿大夫太師謚曰忠定子英官尚寶司丞復其家

袁袞曰吏部尚書蹇忠定公歷事五朝實受知遇 文皇

帝北征全國是屬不動聲色井、有條而天下宴然官冢宰者凡三十年其所取士先純朴而斥浮華故永樂宣德之間士風吏治龐厚可觀秦誓所云斷、兮無他技者蹇



公其人哉

戊子松江祁門黥縣臨湘福安飢貸倉穀

庚寅琉球國中山王巴尚志入貢

撤各省鎮守內臣仍勅各三司加意撫綏軍民

減貴州屯糧三之一

壬辰賜親王宗室公主金綺絲羅紗

乙未安徽無為知州言歲貢^供南京象房蘆根芟草十萬八千

斤今象送北京乞按象量數採辦從之

丁酉上^大行尊謚憲天崇道英明神聖欽文昭武寬仁純

孝章皇帝廟號宣宗

己亥令內臣上進年收用錢糧之數

庚子頒謚詔

止藩王倍焯入臨自是諸王皆止

少傅兵部尚書兼華蓋殿大學士楊士奇等條初政合行事

宜曰整飭內外兵務曰南京重地宜參贊曰江西湖廣河

南山東災宜重臣鎮守曰備邊宜給馬騎操曰校尉宜減


仍堂上官戒約曰考察内外文職^上嘉納令悉行之

辛丑勅戶部尚書黃福參贊南京機務時襄城伯李隆守備

國權

宣德十年

七



南京福事、任馬或少之曰李侯未嘗一事有悞也
監察御史王翱進行在右僉都御史同都督僉事武興鎮守
江西都督僉事毛翔以右副都御史賈諒鎮守湖廣都督僉
事韓僖戶部右侍郎王佐鎮守河南都督同知馮斌兵部右
侍郎李郁鎮守山東皆賜勅
壬寅駙馬都尉西寧侯 掌行在前軍都督府事務
陝西邊衛官軍備操京師者俱還原銜
二月癸卯朔遣指揮丁全諭和寧王阿魯台子昂克字羅及諸
部頭目

勅行在五軍都督府練兵
戶部郎中員外郎李儀賜朝鮮國王李禔文綺綵幣諭朝貢
如期非常貢之物悉止之
甲辰興安伯徐亨都指揮同知韓鎮等鎮守永寧等衛兼提
督沿邊關隘

乙巳 皇太后壽節免賀

命監察御史給事中巡視邊關


戊申祭太社太稷衛王瞻埏攝之

上 聖祖母尊號曰 太皇太后

國權

宣德十年

八



陝西都指揮僉事劉永鎮守河州衛

庚戌上 聖母尊號曰皇太后

勅福餘衛都指揮安出等還所掠北 阿卜只奄妻伯顏剔

斤子著乞字羅

辛亥封皇弟祁鈺郡王封平陽王美圭為晉王保寧王悅欽

為蜀王致書美圭仍居太原

尊號禮成詔赦天下

趙王瞻塢奏盜入磁州命捕之

行在工部尚書李友直提督供應內府柴炭時僉都御史李

澹憂去

壬子賚在京文武軍民人等金絹布鈔有差

右軍都督同知沐昂為右都督

甲寅勅諭兩京文武及內臣


賚鎮守守備內外文武官金幣黔國公沐晟幣五襄城伯李

隆幣四俱百金駙馬都尉沐昕金八十幣四都督山雲史昭

劉廣巫凱蕭授王貴李謙王真譚廣蔣貴陳敬許亨尚書黃

福各金五十幣三都指揮馬昇李達曹儉各金四十幣三都

指揮王瑜吳亮張翥劉斌各金三十幣二高迪韓鎮穆肅馬



驥李英錢義敬劉銘劉永指揮使陳震叅政沈固劉璉叅議
李穀葉仕寧沈升各金二十幣二遼東甘肅等鎮太監王彥
等賜如之其厚于廷臣以外勞也

行在都督府言京衛七十七官軍校尉總旗二十五萬三千
八百除屯守外供役內府各監局十一萬六千四百今營操
僅五萬六千乞還各監局役占從之

設遷曰永宣時以綜覈稱而內府役占已夥矣况後之汝
汝者乎宜京營終于隱冒也

丙辰鄭能嗣武安侯鄭亨之子陳佐嗣平江伯陳瑄之子劉

安嗣廣寧伯劉榮之子吳英嗣清平伯吳成之孫

丁巳 太皇太后賜書長兄彭城伯張昶都督張昇曰吾起

寒微叨蒙國恩及祖宗顯受褒寵諸兄嗣膺榮爵厚祿合榮

門貴享與功臣等皆 列聖天地之賜豈嘗有汗馬勞哉夫


受非分之福宜存非分之虞古人有云知足不辱止知不殆

可不思永保之道乎吾不幸侍 仁宗皇帝日淺長子宣

宗皇帝又逝今長孫皇帝尚幼冲保持輔翼實繫于吾執玉

捧盈不遑寧處言念外家同歸于善諸兄可不體吾心哉尚

其循禮度脩恭儉以率子姓家人咸慎蹈履今後惟朔望朝



參勿預聞政事已閣臣謂張昇公正可預議竊勿為嫌 太
后不聽初 先帝喪 太后罷宮中一切玩好及諸不急之
務而 上幼大臣請 太后垂簾聽政太后曰毋使壞我
祖宗家法委政閣臣從中主之時太監王振棟司禮 太后
令允事付閣議乃施行已遣中官問驗或不付必責之故朝
委裘而治

戊午南京戶部尚書兼詹事府黃福進為少保仍兼尚書叅
贊機務

行在右軍都督同知山雲為右都督僉都督僉事史昭劉


軍

廣王貴巫凱王真蕭授李謙俱為都督同知都指揮使衛青
許亨李達俱為都督僉事都指揮僉事吳亮張翥劉斌俱為
都指揮同知指揮使高迪為都指揮僉事
已未為事官孟瑛世京衛指揮使瑛初襲保定侯坐事削爵
庚申閣議作九廟從之尋寢

辛酉令內官府倉粟出納俱平斛

壬戌夜月犯天江星

甲子隆慶州學正劉鑑以生徒乏科舉當謫戍雲南生徒乞
留復之



乙丑命廷臣同法司錄囚

太子太保成國公朱勇新建伯李玉提督大營五軍三千等營

丙寅貢士詹萬里為唐府紀善唐王薦故長史詹恩子萬里補紀善吏部不可上特從之

夜大星如碗赤光出入雲中

丁卯陳瀛嗣泰寧侯 陳瀛之弟 譚璟嗣新寧伯 譚忠之子

戊辰裁行在各衙門冗費 裁行各衙門冗費 草上林苑監所轄水鑑川衡典察左右前六署惟存嘉蔬後

蕃育良牧林衡四署

定府學歲一貢州學二年縣學三年

辛未柳溥嗣安遠侯 柳升之子 梁瑤嗣保定伯 梁銘之子

武進伯朱冕都督沈清提督神機營

壬申清明節遣官祭長陵獻陵


三月癸酉朔還朝鮮婦女五十三人俱徵自宣德初

賑 賑濟 芮城縣饑

丙子南畿牧黃牛七萬餘隻歲供光祿寺三千以病民止留

三萬隻餘給軍民任耕

國權 宣德十年




丁丑故城侯王聰從孫襲玘彭城衛指揮僉事

戊寅朶兒只伯等乞降命甘肅總兵官都督同知劉廣察之云九去年九月犯邊其甥卜魯罕虎里見擒託降而索之遂不許

江西樂安曾法良等據大盤山作亂至三萬餘人時海飢有司失撫故也命都督僉事武興右僉都御史王翱勸之尋平朱國楨曰以二祖蕩滌之後威震殊俗可謂盛矣而中土數十餘年休養生息之民顧時見告此豈經制未明茅蚘易作以致潢池之美想當時兵權尚屬都司布按覲

為武吏若不相干有司觀望不肯盡力都司亦未必得人
所遣衛所之兵素無紀律不用命而新設巡撫行移體統
間尚多彼此齟齬故窺伺者易動結聚者難除衆且數萬
人聞于朝甚至大臣往諭大將領兵雖夷滅甚易德音時
頒其亦少煩料理矣今法網日密權柄有歸似可無慮而
所在潛伏倏忽不必有主名而實有暗窩為鄉里害賦稅
之督責日煩官吏之侵漁日甚此江南之大患而江北則
流賊充斥所幸聖天子厲精圖治如日中天節儉身為之
先可以足給神武時用不測可以用兵是且計日待矣




放教坊司樂工三千人八百餘人
已卯罷浙江定海沈家門等水寨守備時吏周頌言國初設
衛所置哨船分汛永樂間內官王鎮使日本奏調海船立水
寨而船大不便操且乏城守者乞改海船作快船哨港口尤
便從之

庚辰行在翰林院脩撰劉翀為山西按察僉事行在工部主
事王一寧改為行在翰林院脩撰行在禮科給事中朱應康
振改檢討
發陝西官布市馬給邊

辛巳行在兵部郎中徐晞試右侍郎浙江按察司副使陳鑑
為行在右副都御史行在山西道監察御史羅信亨為行在
右僉都御史徐晞與都指揮僉事朱通往臨洮鞏岷等州陳
鑑與都督同知鄭銘鎮守陝西羅信亨與都指揮僉事魏榮
往平涼莊浪河州西寧都指揮陳忠榮貴往寧夏各提督官
軍操練

召浙江都指揮僉事張真丁信河南毛禮曹義馬翔楊福茂
山衛指揮使高亮潞州衛指揮使徐文隆慶州右衛指揮同
知陳震鎮西衛指揮僉事葛亮赴京



癸未放庫役二千六百四十餘人

甲申法司上赦外尚有別犯可矜全者四百有餘人俱戍邊
輸作

減行在光祿寺料米粟九萬二千餘石他物有差

乙酉安南滿刺加哈密俱入貢

賑廣東肇慶雷州饑

丙戌夜大星赤光出紫微西藩流入大陵

丁亥靜寧州判官向侃當裁以公勤得民心復之

定吏典人等凡犯法無贓者斷決就役贓則納鈔完日俱發

為氓

夜大星犯壘壁陣夜月生五色雲

戊子故中軍都軍督僉事李英贈蒙陰伯謚曰襄毅

夜月犯房宿

己丑故安順侯薛貴七子弟可帖木兒請嗣子京衛指揮

使世襲

石州知州陳道憂去州人乞留許之

罰鍰悉輸承運庫


先入司禮監

賑直隸順義香河永清等縣飢免河南涉縣災租

國權

宣德十年

十五



甲午停公侯伯都督私馬日料
丙申勅三法司錦衣衛刑科都給事中自今死罪臨決須三
覆奏

丁酉逮山西都指揮僉事呂整以下十餘騎來降殺之

行在禮部尚書胡濙等奏比奉勅旨節一切冗費而回夷使
臣動以百數疲于供給宜勅邊官審其來者量遣正副使從
人赴京餘悉留彼給待從之

戊戌興安伯徐亨備御永寧

己亥進士高峻元亮徐璟毛宗魯李壘為行在監察御史程

憲為南京監察御史

直隸廣平妖賊班興等伏誅

庚子封皇庶母何氏貴妃謚端靜趙氏賢妃謚純靜吳氏惠

妃謚貞順焦氏淑妃謚莊靜曹氏敬妃謚莊順徐氏順妃謚


貞惠袁氏麗妃謚恭定諸氏恭妃謚貞靜李氏充妃謚恭順

何氏成妃謚肅僖俱殉葬

辛丑御馬監勇士廣昌謝廷柱初年十二以虎得母周氏竟

麻鞭逐之虎釋母獲全詔旌其孝補宿衛至是母年八十三

乞歸養許之



四月壬寅朔衛王攝享太廟

諭行在兵部尚書王驥等曰比聞河南軍民有因迫飢饉流離就食因而群聚為盜原其初心良可矜惻爾部即榜諭之榜至悉宥罪

江南歲進鳥獸遣送南京光祿寺便程日

癸卯蕪門答刺國王宰奴里阿不丁年老封其子阿卜賽亦

的蕪門答刺國王

議定減遣行人巡茶四川陝西期三月一遣先是月遣四人苦道費

乙巳脩鳳陽祖陵

河南盜李綱剛等伏誅宥其家屬

丁未免金州新增茶課

己酉廣東海陽教諭袁均哲請祀唐潮州刺史韓愈從之

壬子給永平鎮守山海總兵官都督僉事陳敬闕防

乙卯減在京韓官月俸

丙辰夜月食


戊午免順天迤戶逋租

己未戴罪陝西巡撫工部右侍郎羅汝敬擅引詔書復職連

國權

宣德十年

七



勅吏部省尚書郭璉逮汝敬及侍郎黃宗載鄭誠等獄尋復
宗載等汝敬戍赤城

辛酉脩長陵獻陵始列石人石馬于御道

行在左軍都督同知方政為征西前將軍總兵官大同叅將
都指揮使曹倫為都督僉事左副總兵山西行都指揮使羅
文為都督僉事右副總兵賜勅鎮守大同

起李安行在右軍都督僉事副總兵同甘肅總兵官都督同
知劉廣提督操備時涼州東下朵兒只伯鎮夷北下阿端只
肅州西下猛哥卜花各蝕邊


鎮守湖廣都督僉事毛翔還京掌都督府事鎮守江西都督
僉事武興往淮安同都督僉事王瑜提督漕運

太監阮堯民都指揮劉清等下獄以造舟松花江捕海青因
市女直激變死亡八九百人

壬戌元翰林學士吳澄從祀孔子廟初慈利貢士教諭蔣明
疏澄功不下許衡閣議避之故有是命

湖廣貴州總兵官都督同知蕭授為征蠻副將軍都指揮同
知吳亮為行在右軍都督僉事副總兵時授年老

監察御史鄭禧覈工部廠庫受賄廖文昌按廣西縱隸卒誑



擄俱有罪下獄

己丑去年浙江寧海縣五月潮決陷地一百七十餘頃至是
驗除其賦

丁卯天久不雨命考察群吏方面凡郡守有闕令導先帝

勅旨保舉若犯贓罪并坐舉者

命三法司赦後罪犯即會官覆審毋淹

行在刑科給事中年富上四事曰邊備曰城池曰停補幼軍

曰清理僧道上議行之

戊辰行在後軍都督同知李謙為右都督

山西平陸縣大雨雹傷稼命蠲之

兩京山東河南蝗蝻傷稼命御史給事中馳駟往捕之

五月壬申朔命兵部右侍郎徐琦工部左侍郎鄭辰刑部右侍

郎吳紳行在左通政周銓并巡撫山西行在兵部右侍郎于

謙鎮守河南行在戶部右侍郎王佐鎮守山東行在兵部左

侍郎李郁鎮守陝西行在右副都御史陳鎰巡撫浙江戶部

右侍郎成均鎮守江西行在右僉都御史王翺巡撫湖廣行


在禮部右侍郎吳政考察兩畿守令及各省布按堂上官

癸酉令吏初入仕者毋輒除風憲監察御史有闕都察院

國權

宣德十年

九




堂上及各道官保舉以聞吏部審察不謬然後奏授
甲戌賑江南揚州徐州滁州諸屬邑飢
丙子減南京光祿寺內官監供用庫御馬監及巡視官役等
歲費
戊寅巡按陝西監察御史兼理屯田
已卯下北京河南山西鎮巡官拓撫逃民復業免其徭賦
浙西西安府顧煜秩滿以廉勤部民乞留從之進正三品俸
庚辰行在禮部上 祖宗忌辰禮儀初諭禮部議其禮大學
士楊士奇等奏請于是日服淺浚色衣不鳴鐘鼓視事奉天
門從之

革兩京都察院交趾道并戶部刑部交趾司
復江西南昌知府任肅以績最郡人留之加正三品俸
命廷臣覆死獄宥一百十九人戍邊

免直隸邯鄲縣去年貸粟
辛巳加毛憐衛都督僉事撤滿荅失里都督同知

壬午 寇山西大同樺木溝罪千戶朱敬百戶張弘戍邊
命監察御史郭原等七人給事中戴弁等七人巡邊閱兵
癸未故靖安侯王忠無子從子斌世京衛指揮僉事



丙戌頒詔安南

丁亥行在監察御史程富為行在大理寺少左卿程富巡按
江西善巡撫侍郎趙新以吉安知府陳守本深餉軍捕寇功
程富冒馬

戊子故駙馬都尉永春侯王寧孫彝求嗣爵以非戰功命襲
羽林前衛指揮僉事

行人郭濟知鎮江郎中姚文知太平黃璿知開封葉宜知衛
輝程瑩知九江王源知瓊州負外郎李儀知潮州易節知成
都監察御史蔣彥廣知慶遠司務陸震知潯州大理寺副唐

復知平樂俱廷薦各賜勅

始命監察御史往揚州捕販私鹽歲受代

浙江台州盜殺指揮鄭宣李遠百戶傅勝郭斌等

已丑定淮浙長蘆鹽引每米四斗五升山東河東福建廣東

四川鹽每引米二斗仍不拘次時議遠陽開原二衛極邊中

鹽備積貯


薦宣宗陵號曰景陵

壬辰行在禮部奏七月朔例遣道士祭香帛徧祭皇陵及歷
代帝王陵岳瀆海鎮今登極初宜命廷臣停道士從之

國權

宣德十年

三



行在錦衣衛軍匠陳猷進煉丹法卻之


乙未行在刑科給事中年富言江南佃戶歲輸租今詔免災賦特及富室細民輸租如故乞如例蠲免又為貧民立券貸富人粟分給仍免富人雜役為息從之

設遷曰遇災勸貸可也蠲及佃戶則富人重困矣方歲之凶租必不及額少得升斗以贍公私恒情也一聞勅旨則諸佃群撓而富人之雜役如故也能無累乎里有富人將貧民多效役自活或質錢或貸息血脉灌輸彼此交藉若惡猗頓之餘汰啟侮窮黎殊非周人保富之善道矣

丙申右都督馬亮為左都督都督同知高文任禮馮斌程忠俱右都督都督僉事韓億梁威王敬把歹沈清王或李通俱都督同知都指揮僉事張真馬翔曹義丁信楊福俱署都督僉事真還浙江翔還中都並署司事

戊戌韓王冲焮告乏命平涼稅課司歲給鈔二萬貫
己亥行在翰林院待詔趙琬為北京國子監司業
罷文明惠河二閘官吏

庚子監察御史楊政以按福建回怨杖死一家四人事聞下臺獄削籍



南京刑部侍郎俞士吉卒士吉浙江象山人洪武末貢士授
兗州訓導歲餘上書言時政擢廣西道監察御史巡畿內湖
廣尤著名永樂初署都察院事遷右僉都御史使朝鮮日本
還治水浙西蠲租六十萬石賑民粟尋守襄陽陞山東左叅
政洪熙初進詹事先帝改南京刑部侍郎致仕卒予祭塋
六月辛丑朔太保寧陽侯陳懋為平羌將軍兵部試右侍郎徐
晞叅贊軍務同鎮守甘肅
罷守山東日照縣官軍國初沂州衛分成百人而縣南有安
東衛故罷之


癸卯給鎮守陝西行都司內官關防
千餘騎寇山西大同逮都指揮鄧瑛等

甲辰左軍左軍都督僉事吳也兒克台為都督同知

丁巳命瘞天下暴骸

彰德等逃民五萬餘戶復業免其逋租諭有司存恤
廣西總兵官右都督山雲奏闔思恩州俘男進之命後俘人
功臣家私母闔

戊申大同左副總兵都督曹儉報殺數十人勅曰豈有殺
數十人不獲一馬者乎責總兵官都督同知方政輕信



巡撫浙江戶部侍郎成均還部行在戶部郎中王淪為戶部右侍郎巡撫浙江

已酉以兀良哈福餘衛夷犯遼東奪都指揮裴俊王祥佟勝俸半年

庚申賑應天鳳陽太平廬州池州淮安揚州旱蝗鬻龍江積薪易米麥 夜金星犯天關星

辛酉 章皇帝葬景陵制庫隘嘉靖丙申始再拓占城入貢

癸亥監察御史張聰請各處撫按會審繫囚行在刑科給事中賈銓朱純乞南京法司錦衣衛錄囚如聰言從之

丁卯祔 宣宗皇帝太廟衛王瞻埏攝祀 戊辰宋鉉為南京錦衣衛指揮僉事係駙馬都尉宋琥之子


夜大星赤光燭地自天廩流至濁 七月庚午朔衛王攝享太廟

行在左春坊左庶子為翰林侍讀周述侍講苗衷主試應天赤斤罕東等衛夷劫勅使指揮把台等禮幣勅頭目詰獲餘

宥之 增松潘衛卒月餉

國權 宣德十年

吉




辛未行在戶部郎中扈暹為陝西鳳翔知府賜勅
下行在大理寺卿徐初少卿賀祖嗣行在刑部郎中劉寬等
獄以失入故奪侍郎施禮俸三月
甲戌岷王梗請符驗上特予之唯遣人赴京則給
起復岷州衛經歷許壘夏去士民諸生各頌其德上以
一遠幕能得下復之

乙亥瓜哇使哈災等自永樂中隨貢因國亂止京師至是
遣還

丙子勅修宣宗皇帝實錄監修太師英國公張輔總裁少

傅兵部尚書兼華蓋殿大學士楊士奇少傅工部尚書兼謹
身殿大學士楊榮禮部尚書兼翰林院學士楊溥少詹事兼
侍講學士王英侍讀王直
免山西今年夏稅并屯種夏稅之半
復故少師蹇義家

丁丑鎮守永平總兵官陳敬叅議沈舟還京都督同知王茂
充總兵官守備監察御史王憲為按察副使佐茂
戊寅行在翰林院脩撰金問為行在太常寺卿兼侍讀學士
行在吏科都給事中王榮為北京行太僕寺少卿



已卯起復按察使徐永達改山西
後軍都督僉事馬昇黃真為左右叅將分守開平獨占懷來
命各衛所倉改屬有司唯遼東甘肅寧夏萬全沿海衛所仍
舊風憲官時覈

辛巳巡按河南山西行在兵部右侍郎于謙言四事曰有司
考滿冊填逃民復業聽殿最曰邊將莊田不得私役軍人播
種曰考察都司衛所正佐官斥庸劣曰止官吏朝見親王免
妨事議行之

壬午夜大星赤光自左旗南行至濁


甲申河南山西俱安鎮守河南都督同知韓僖侍郎王佐內
官張名山西內官張溥還京勅于謙兼理
民匠在逃充軍者仍民匠

定北京山西陝西萬全大寧遼東所賜衛卒冬衣俱巡按御
史同戶部官給之

乙酉許陝西按察司王文奔喪即赴任
遼王貴烺請復護衛不許加祿千石

起復江西布政司左右叅政郝珩方正仍任

丁亥增山西大同兵卒月餉



金星晝見井宿

戊子提督京倉叅政李新為行在戶部右侍郎巡撫陝西

是月作靈濟宮

己丑禁下海捕魚

壬辰益大同備禦兵

癸巳選京營二千騎戍遼東以中軍都督僉事曹義充副總

兵往

定遠衛百戶畢恭入試超指揮僉事

監察御史莫敏馬謹盧瑋督雲南銀冶奉詔罷採不即行至

是入京被劾下獄俱贖還職

甲午浙江温州知府何文淵黃巖知縣周旭鑑俱治最加俸

二級賜勅以勸民牧 周旭鑑或作徐姓

乙未曉刻大星青白光白 流至濁

丙申選京營四千騎以都指揮僉事黃順往大同署都指揮


僉事田忠府軍前衛指揮僉事馮玉前往宣府分府守

開平衛指揮僉事楊洪為指揮使以禦功

酉丁太師英國公張輔請出師勦下廷議謂胡兵去來莫

測第選驍卒得智略如楊洪者領之利械豐餉分守可也又


國權 宣德十年



簡總兵官選四萬人按甲以待 上從之時舉總兵官成國
公朱勇新建伯李玉加楊洪游擊將軍給二千餘騎
戊戌加行在工部尚書吳中少保
復宋顯懷寧知縣初巡按御史張清考顯闕冗不任顯訟枉
覆按得白清坐罪
陝西布政司右叅政王士嘉為行在禮部右侍郎順天府尹
李庸為行在工部左侍郎兼府事温州知府何文淵武昌知
府邵旻為行在刑部右侍郎建昌知府陳昂四川按察副使
朱輿言為行在右副都御史福建按察僉事魯穆為右僉都
御史陝西按察僉事陳鹵為行在大理寺少卿行在禮工二
科給事中虞祥龔全安為行在通政司右叅議時吏部尚書
郭璉會大臣保薦命何文淵舉賢自代薦御史劉謙以監銀
冶于温州府之平陽縣廉而且才守温州政績卓異
鄭曉曰憲義吏部三十年內贊宸謨外康流品疇詢密斷
莫敢侵官新安代之望輕寡學始開保薦之塗寓請寄之
術矣

行在刑部左右侍郎魏源施禮俱為尚書行在吏戶禮兵刑

部右侍郎黃宗戴王佐章啟柴車吳廷用俱為左侍郎廷用



調禮部右僉都御史吳訥為左副都御史大理寺卿徐初改
太常寺卿行在左副都御史陳勉為大理寺卿
免保定真定順德河間淮安黃州去年水災田租又蠲萬全
都司新增屯糧

八月庚子朔浙江黃巖知縣周旭鑑為台州通判仍署縣事旭
鑑盡鋤奸頑稱能吏

癸卯行在翰林院侍讀學士李時勉侍講高穀主試順天
限寺僧府四十人州三十人縣二十人撥田自耕食餘畝皆
給貧民

丙午減光祿寺厨役四千七百餘人量留五千人國初止八
百人

丁未增宣府月餉如大同


封乳母李氏為恭順夫人係府軍前衛指揮僉事胡信之妻
戊申夜月犯建星大星


己酉前刑部右侍郎白勉卒勉四川涪州人居官廉介

辛亥巡撫陝西行在戶部右侍郎李新兼理屯田

壬子行在陝西道監察御史張惠為光祿寺卿

甲寅徙淮王瞻墺于江西饒州以廣東韶州多瘴也





乙卯大理寺右少卿柴震卒

丙辰教諭黃純徐維超訓導婁昇為行在給事中

始命御史給事中巡視行在光祿寺月一遣從禮科給事中

李讓之言

曉刻金星犯軒轅大星

戊午中軍左都督阿卜只奄卒予祭塋

奉聖夫人李氏卒

庚申設花石潭巡檢司

行在翰林院庶吉士蕭鑑林補賴世隆吳節徐程薩琦江淵

為編修王玉李紹姜洪何瑄王振為檢討進士張睿朱良暹

白琮為吏兵工科給事中張文時紀柳華薛希璉趙忠為監

察御史張紀為大理寺左評事俱行在

辛酉命各稅課司增收物料舊止竹木三十之一至是及麻

油等

甲子作鹵簿

丁卯曉刻老人星見

戊辰逮鎮守開平獨石左叅將都督僉事馬昇叅謀山西右

叅議葉仕寧下臺獄時互隙相訐

九月己巳朔夜大星青白光自閣道南至室宿

庚午給君庸等駙甲軍月糧

徵河間保定官牛五千給宣府赤城雲州鵬鴉屯卒

辛未增行在戶部郎中負外郎主事五人監督甘州寧夏涼

州莊浪蘭縣倉糧

壬申夜金星犯上將

癸酉置六科度閣于承天門外

行在山西道監察御史陳祚言臣先繫獄父隆貳連坐死獄中會赦臣復職乞給假還葬從之

甲戌汰各衙門冗吏

乙亥江南上元知縣李彬秩滿以廉勤加應天同知

北京國子監祭酒貝泰以近例監生年五十以上揀斥有差

恩養乞考其學行補教職從之


夜大星如琬青白光出大陵入紫微西藩又大星青赤光出

羽林軍流又至濁又星青白色出自雲中流至游氣

丙子行在光祿寺厨料悉取給外府

己卯行在刑部尚書施禮改工部尚書行在吏部左侍郎黃

宗載為吏部尚書



山西大同左副總兵都督僉事曹儉有罪謫甘肅立功

辛巳都指揮僉事李福李謙張榮俱行在署都督僉事

癸未以庫貯洪武永樂時紵絲紗羅綾絹付工部頒各省如

式織上監察御史同部監驗收

甲申廣東神電衛指揮僉事張演署都指揮僉事巡備雷廉

乙酉行在光祿寺欲京民寄養牲畜上不許令寄內官監

戊子右軍署都督僉事丁信為都督僉事

夜月犯天關星

己丑瓦剌順寧王脫懽貢馬

庚寅命都督僉事丁信鎮守江西九江方行以涼州警召還

四川龍州宣撫司獻瑞麥上以旱蝗相望一麥瑞何以免

民饑自今天下凡類此皆毋獻

辛卯夜大星赤光出十二諸國秦星南至濁


壬辰僉運糧儲總兵官及各巡撫左侍郎與廷臣會議軍民

利益曰漕兌湖廣江西浙江每米石加耗六斗南京五斗北

京四斗徐州三斗五升山東河南二斗五升民運瓜洲淮安

正糧大斛耗糧平斛仍二分米一分折物曰明年漕運四百

萬石收京倉十四通倉十六日各立濟農義倉儲賑曰淮徐



臨清倉各監察御史監收曰松江徵蓋一萬石到京易腐遣
改輸綿布曰運軍歲支行糧二石曰疏南北運河曰河南歸
德府應設閘引淮水濟各洪曰運糧總兵官及巡撫官歲八
月赴京議事 上皆從之
甲午定邊餉軍民兼運
乙未游擊將軍開平衛指揮使楊洪獲一進都指揮僉事賜
織金衣一襲鈔三千貫
丁酉夜大星如杯光赤出八穀流至北斗杓又大青星白色
出弧矢流至濁

戊戌行在中軍右都督任禮為左都督率兵赴涼州備禦

十月己亥朔衛王攝享太廟

行在戶部左侍郎王佐往甘肅提督軍餉

庚子以下阿台朵兒只伯等患邊諭兵部示擒斬賞格

前行在光祿寺卿郝郁少卿張澤寺丞王興倪琮等既有罪

下獄 上宥郁餘謫外


昏刻火星犯土星

壬寅重立 孝陵神功聖德碑

勅諭阿台王及朵兒只伯等

國權 宣德十年

三十一



丁未翰林院庶吉士宋璉胡端禎廖莊為行在給事中

監察御史劉賓酌恣降
縣典史

戊申許山西罪人納贖大同

己酉減除天下增額并人戶消乏課程

庚戌草廣東高要縣清岐閔

辛亥晉王美圭請鎮國將軍美垸美垸美垸居平陽守先塋

從之

出京庫布市馬甘肅

設天下衛所儒學陝西按察僉事林時言之

壬子召太常寺少卿魏驥行在翰林脩撰王鈺檢討陳璉

癸丑日本入貢

甲寅署都督僉事李謙守備赤城

乙卯鎮守遼東太監亦失哈等請討朵顏三衛
上不許第

勅頭目約束

潮決浙江海鹽縣


昏刻大星赤光自壁宿流至游氣


丙辰四川重慶知府孫曰良言四事罷雜造局額益二十五

萬餘斤免赴成都等衛令自關領巴縣稅糧宜貯廣濟倉俟

國權
宣德十年

三十四





農隙運小河守禦千戶所省茶倉正副官上從之

庚申諭行在吏部曰方面郡守九年陞用其與大臣會議使常流不得倖進

豐城侯李彬督運京倉米荳三萬石給赤城獨石雲州鵬鷄哨馬營

湖廣災賦俱准鈔

曉刻大星赤光自雲中南流至濁

辛酉順天保定順德真定旱蝗許荳准租

壬戌陝西罪人發陝西苑馬寺牧馬

丙寅廣平侯袁禎卒予祭葬

是月西下數百騎犯陝西紅寺免恣掠右副總兵都督李安遣指揮彭智千戶樊玉等追至黑河大敗之


十一月戊辰朔日食

庚午遼東總兵官巫凱副總兵曹義不協勅責之

行在吏部請起補守制御史上以奪情不許

辛未城臨清縣

壬申妖賊孫旭林等伏誅旭林本江西吉水僧至安福武功山同婦人匡氏幻惑游南京託符水療疾云神與劍印誘人



官爵闖入東安門刃傷門卒被執

癸酉復勅諭海西各衛野人女直都指揮頭目人等令鈐束諸夷

行在兵部尚書王驥言事繁請以監生十人書寫歷三年照例出身從之

甲戌夜大星赤光出天大將軍西流至霹靂

丁丑勅行在兵部曰比聞順天直抵山東歲歉民艱所養馬匹死損合償補者俱俟來年收成後

戊寅萬壽節遣祭長陵獻陵景陵

辛巳命各布政司都司嚴督所屬栽種桑棗

壬午行在兵部左侍郎柴車往甘肅同總兵鎮守官整飭邊備召還右侍郎徐晞

是月禁止僧道私度

癸未戶部郎中負外郎四人監收南京諸衛倉儲

甲申浚河南祥符金龍口舊河

丙戌行在左通政周銓為行在右副都御史總督南京糧儲

己丑朝鮮國王李禔遣賀明年正旦

行在兵部請遣監察御史清軍命俟來年

夜大星如碗赤光出文昌流入鬼宿有三小星隨之

庚寅儒士盧忠以明經應薦吏部驗忠軍籍當補伍 上命
試之試可用擢太平府訓導曰戎伍得人孰與學校得師
壬辰朝鮮訴建州衛都指揮李滿住屢誘忽刺溫野人擾境
乞討命細寇王自備之
癸巳夜月掩氏宿

丙申

行在翰
林編修

梁裡為脩撰進士羅綺王通等為監察御史


復楊秘江南徐州知州以秩滿軍民乞留遂加從四品官俸
行在大理寺右少卿陳鹵考察畿內官
丁酉行在右通政李暹為通政使提督京倉巡撫陝西侍郎

李新調宣府大同復羅汝敬行在工部侍郎仍巡撫陝西

十二月戊戌朔行在欽天監進正統元年大統歷御殿受之故
事十一月朔進歷因是日日食移之

故左都督阿卜只奄子脫、字羅襲錦衣衛帶俸指揮使

已亥定赤城堡中淮浙長蘆鹽引米一石四川福建山東河
東鹽引五斗哨馬營中淮浙長蘆鹽引九斗五升四川福建
山東河東鹽引四斗七升獨石衛中淮浙長蘆鹽引九斗四
川福建山東河東鹽引四斗五升皆不拘次准支給
妖賊張普祥伏誅普祥以真定衛小平匿井陘偽稱七佛祖



師勾黨河南山東山西畿內約先陷河南彰德忽百餘人入磁州而敗普祥走柏鄉遶運大使魏景原獲之械入京

庚子吏部考功司郎中余可才為通政使司左通政

故監察御史海寧李貞為揚州知府長洲知縣韓瑄為武昌

知府貞建文末棄官去臨平山中因謫佃玉田至是薦用

撥罪人補國子監膳役

壬寅命少傅兵部尚書兼華蓋殿大學士楊士奇少傅工部

尚書兼謹身殿大學士楊榮行在禮部尚書兼翰林學士楊

溥輪議建言事以禮部尚書胡濙請也

丁未行在右僉都御史李濬巡撫遼東

庚戌昏刻大星赤光出自 流至雲中

辛亥免甘肅土民雜徭

壬子甘肅報官軍連敗阿台朵兒只伯于平川黑山等處擒


斬二百六十餘人

癸丑沙州衛都督因即來以侵于哈密率部眾二百餘帳款

塞命給米麥

甲寅給事中朱良暹李運右評事荆璞行人蕭鑾序班苑格

博士譚善州同知王英知縣閻濟彭鑑胡敏府經歷姚勉



縣丞王順俱為監察御史起復監察御史王讓孔文英陳毅
 鄧榮軒輓張政召予告監察御史曹習古鄭嘉各清軍京省
 丁巳復張麟定興縣丞以秩滿當遷邑人乞留加七品官俸
 戊午作大德觀
 甲子四川布政司布右叅議沈升為北京行太僕寺少卿
 定四川松潘茂州轉餉民運七之兵運三之

國權

藍官設遷孺木著

正統元年丙辰

正月丁卯朔上御殿受朝賀

戊辰琉球中山王入貢

庚午行在右軍都督僉事丁信為寧夏左叅將召甘肅總兵

官太保寧陽侯陳懋守備延安綏德行在右僉都御史郭智


還京

乙亥宥雲南等失朝官

國權

正統元年

一



國家圖書館, NATIONAL CENTRAL LIBRARY, TAIWAN, R.O.C.

丙子裁貴州銅仁府稅課司

丁丑夜有大星青赤光照地出自天囷流至天社後沒有四小星隨之

巳卯衛王攝南郊

府軍右衛指揮僉事金玉署都指揮僉事鎮守西寧

論莊浪等八衛禦胡功右副總兵都督僉事趙安為都督同

知餘陞賞有差

辛巳分遣廷臣祭孝陵獻陵景陵及歷代帝王先師孔子并

岳鎮海瀆諸神

勅諭文武群臣

乙酉廣東布政使司左叅政上言四事一曰保薦宜破格

黃翰

二曰黜生就近充吏三曰清軍須究實四曰告狀人不許老

幼出名上從之

丙戌召鎮守湖廣行在右副都御史賈諒

罷貴州銅仁府金場局

丁亥行在兵部郎中呂爰正為行在通政司右通政清理武


選貼黃

庚寅大學士楊士奇等言京軍數多宜令餘丁于北京曠土

國權

正統元年

二



屯種從之以京軍三萬分屯

壬辰山西行都司署都指揮僉事為都指揮使以獲累功
甲午行在中軍左都督任禮為平羗將軍左副總兵行在左
軍都督同知趙安為右副總兵仍鎮守甘肅右軍都督僉事
李安為都督同知同行在兵部右侍郎徐晞鎮守涼州
吏部大計去老疾者二百五人闖冗七十四人酗暴五人
減陝西苑馬寺官吏二十餘人

二月戊戌勅沙州衛都督僉事因即來罕東衛指揮僉事可免
即等還所掠西番阿端貢物

庚子右僉都御史郭智叅替寧夏軍務

勅太監李德同通政使李暹提督太倉并象房牛羊等房倉
場巡視通州至臨清徐州淮安等倉

壬寅定沿海衛所官軍犯徒流納贖調戍限程三千里

癸卯進士王倬陳浩為刑兵科給事中


少詹事兼翰林院侍讀學士王直侍講學士陳循主禮閣

禁內外法司鍛鍊刑獄

乙巳四川長寧安慰司改隸疊溪守禦千戶所

舊隸松潘

丙午嚴逃民不復業之禁



丁未應城伯孫傑謫娶良家子為妾責業太學不謝見劾下

錦衣獄

己酉始設直隸永寧縣儒學

夜月犯軒轅右星白虹貫月

壬子行在鴻臚寺左少卿張隆為行在右通政

癸丑誅行在戶部郎中蔡穰錦衣衛百戶王興穰穀糧廣東

索賄事聞命興逮之受賂不即至

甲寅行在吏部言監生淹滯或白首不能霑一命乞年四十

五十以上聽補吏目典史稅課河泊倉場等大使 上從之

乙卯諭襲爵公侯伯悉從成國公提督操習稍暇究書史科

設雲南金齒軍民指揮使司儒學設南京右都御史王景

丙辰行在禮部上經筵儀注初大學士楊士奇等請開經筵

命推講讀官于是勅太師英國公張輔知經筵事少傅兵部

尚書兼謹身殿大學士楊士奇少傅工部尚書兼謹身殿大

學士楊榮禮林尚書兼翰林學士楊溥同知經筵事少詹事

兼侍讀侍講學士王直王英侍讀學士李時勉錢習禮侍講


學士陳循侍讀苗衷侍講高穀脩撰馬瑜曹鼐兼經筵官保

直太子太保成國公朱勇少保兼工部尚書吳中吏部尚書

國權

正統元年

四



郭璉禮部尚書胡濙兵部尚書王驥刑部尚書魏源都察院
右都御史顧佐侍班日講止講讀官四人保直不侍班先書
次經史

上寇大同車房口千戶葉林死之又百餘騎入黃牛坡都指
揮石亨追敗之勅責總兵官都督同知方政以指揮邱昂李
政失援斬以殉

丁巳琉球國中山王尚巴志入貢
已未南京內官屢求增軍匠不許勅南京守備太監王景弘
襄城伯李隆參贊尚書黃福曰朕體祖宗恤民之心造作

一切皆罷爾等宜益從儉約

癸亥江南吳縣主簿吳復為知縣以廉能邑人留之

丙寅擇通經秀才為教官塾勛臣家

夜大星青白光自星宿流至濁

三月丁卯朔策貢士劉定之等百人于奉天門殿賜周旋陳文
劉定之進士及第出身有差

辰哇國入貢

戊辰遵化衛指揮使陳亨為指揮僉事鎮守密雲


都

辛未行在兵部右侍郎李郁下獄以私囑錦衣衛事也

國權

正統元年

五



癸酉報_上犯山丹衛殺指揮陳玘

行在刑科給事中李原縉下獄以予告還湘鄉聞國喪不臨且娶妾湘鄉訓導姜士榮劾之

乙亥始御經筵吏部考功郎中李茂弘歎曰君臣情不相決經筵具故事耳未必無意外之虞也茂弘尋予告

設遷曰上時十齡雖狗齋敦勉豈遽能隆泰交而洽咸

受哉旃席之上橫經敷析功需歲月于大臣誼不薄而猶塵李考功之扼腕者或王振微露其奸乎不然何先几去

之也

戊寅選翰林院庶士王鑑劉鉞余忤王尚文伊侃李震王_吉

忠王偉徐瑄徐瑛吉鏞顧暄雷復命少詹事兼侍讀侍講學

士王直王英教習

祀唐江西觀察使韋冊于南南按察使石璞等上疏

已卯增南京旗軍月餉

四川左布政使甄寶縱子侵利削其籍


庚辰除行在都察右都御史顧佐軍籍佐父澄山西大同稅

課司大使坐事成貴州普安衛

改雲南廣邑州于石甸

國權 正統元年

六



壬午梁王瞻垧言居地卑窪求改建他所不許

癸未安成公主進封為安成安成大長公主

行在吏科給事中王傑匿父喪不報下錦衣獄削籍

甲申行在工部尚書李友直提督京倉糧儲

命南京運胡椒蘓木三百萬斤于北京

召鎮守甘肅總兵官太保寧陽保陳懋少監林壽回京械副

總兵官劉廣入京以入鎮番衛被論

逮遼東都指揮僉事康政以入大水峪舊獐駝也

乙酉復陶銓武清縣丞時汰兄負邑人伏闕言其廉平從之

丙戌夜大星青白光自軫宿流至庫樓

丁亥江南安東知縣薦陞合州邑人乞留令仍署縣事 王睿

戊子蔚州衛改蔚州左衛

少保兼戶部尚書黃福言四事曰鈔法日輕宜收舊鈔量出


新鈔換銀曰益商久候不得支宜遣勘補足曰行在衛所官

軍俸米俱南京運給路遠多道費宜派有折收銀布絹段

輸北京准俸曰兩畿權豪占田遣官勘報起科 上以遣官

騷擾且需之

己丑豐城侯李賢督口外運糧時轉京倉十萬石赴永寧隆



慶懷來諸衛

守備宣府都督僉事馬昇失事謫遼東立功

庚寅湖廣布政司檢校程富言四事曰親近師儒講明道德

曰採洪武以來舊制如官制禮儀財帛軍國賞賚刑罰著為

定式頒示遵守曰歸順韃官人等日累月增動以萬計乞量

賜資裝遣往江南衛所省京廩杜厲階曰選大臣巡視邊塞

凡戎馬出沒之地皆高城深塹謹其關隘廣植榆柳來林

大阻遏去伏兵邀路 上嘉納之

辛卯先陽和衛指揮僉事邱機命斬昂失機命斬昂委內官

官保巡邊怯敵遂降保內使杖昂百戍大同

甲午增赤城等堡烽墩

謫光祿寺丞董正等四十四人戍甘肅坐侵費俱械入京

增廣寧前屯衛抵義州廣寧烽墩

夜大星青白光出貫索流漸臺

四月丁酉朔 上親享太廟

已亥賚勲臣都督太常光祿寺及官軍人等有差


庚子進士高旭舒瞳石瑁劉益金昭伯劉剛鮑暉為行在給

事中

國權

正統元年

八



行在禮部右侍郎王士嘉行在工部右侍郎邵旻行在右副
都御史陳鼎右僉都御史魯穆行在大理寺左少卿程富巡
視畿郡捕蝗
忠州訓導宋廣乞校勘孔廟從祀先賢名爵位次刊圖頒行
從之

定陝西行都司屬衛軍田如民田起科仍給月餉

四川益井衛募商中益

庚戌增內外衛所知事吏目各一

汰涼州各衛冗官冗卒

壬子賑畿內流民雜停柴炭等役

癸丑復章麓高平主簿以秩滿邑人乞留

雲南右布政使周璟于妻服內娶再醮婦逮下臺獄免官

乙卯夜月犯牛宿

丁巳封韓王子範圯開城王範垵西鄉王範壑平利王範塢

褒城王範野通渭王

戊午安南權署國事黎麟進香并賀登極兩宮尊號

右僉都御史李儀巡撫宣府大同等處提督屯種糧儲

己未復胡信滄州判官

